

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Broj: 02-04-1497/23-AP-3
Datum: 19.06.2023. godine

Primljeno:	30 -06- 2023		
Org. jed.	Kl. ozna.	Red. broj	Br. priloga
01	04	1565/23	

GRADSKO VIJEĆE ZAVIDOVIĆI
n/r PREDSJEDAVAJUĆI GRADSKOG VIJEĆA
Admir Fojnica, prof.

PREDMET: Informacija o ostvarivanju prava branilačkih populacija Grada
Zavidovići za period 2021.-2022. godina, dostavlja se

U prilogu akta dostavljam Vam Informaciju o ostvarivanju prava branilačkih populacija
Grada Zavidovići za period 2021.-2022. godina.

Informaciju o ostvarivanju prava branilačkih populacija Grada Zavidovići za period
2021.-2022. godina dostavljam Gradskom vijeću Zavidovići radi uvrštavanja u dnevni red
sjednice Gradskog vijeća.

S poštovanjem

PO OVLAŠTENJU GRADONAČELNIKA
broj: 02-45-9/22-AP-41 od 22.04.2022. godine
SEKRETAR GRADSKOG ORGANA
DRŽAVNE SLUŽBE

Dostavljeno:

1. Naslovu,
2. U spis.

Nermin Čahtarević, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-1497/23-AP-2
Datum: 19.06.2023. godine

INFORMACIJA
o ostvarivanju prava branilačkih populacija Grada Zavidovići
za period 2021.-2022. godina



Broj: 02-04-1497/23-AP-2
Datum: 19.06.2023. godine

GRADSKO VIJEĆE
ZAVIDOVIĆI

PREDMET: Informacija o ostvarivanju prava branilačkih populacija Grada Zavidovići za period 2021.-2022. godina, dostavlja se

UVOD

U skladu sa Programom rada Gradskog vijeća Zavidovići za 2023. godinu, planirano je razmatranje Informacije o ostvarivanju prava branilačkih populacija Grada Zavidovići za period 2021.-2022. godine, obrađivač Služba za upravu društvenih djelatnosti, pitanja boraca i opću upravu. Informacija ima za cilj da prikaže promjene i napredak u ostvarivanju prava pripadnika branilačke populacije u odnosu na ranije godine, složenost problematike i učešće lokalne društveno-političke zajednice u implementaciji propisa i rješavanju značajnih pitanja iz ove oblasti, kako bi se na najbolji mogući način, svi akteri u bavljenju ovom problematikom na nivou JLS što objektivnije odredili o daljem radu i pravcima djelovanja.

I - ZAKONSKI PROPISI IZ OBLASTI PRAVA BRANILACA I NADLEŽNOST GRADA I SLUŽBE ZA DRUŠTVENE DJELATNOSTI, PITANJA BORACA I OPĆU UPRAVU

Propisi koji se odnose na oblast prava iz boračko-invalidske zaštite isključiva su nadležnost Federalnog i Kantonalnog nivoa, dok je nadležnost i zakonska obaveza Grada u odnosu na složenost problematike na nivou tehničke podrške u smislu ostvarivanja i sprovođenja prava, s tim da je zadnjih godina djelovanje lokalne zajednice u laganom porastu. Putem federalnih i kantonalnih zakona ostvaruje se najveći dio osnovnih i dopunskih prava branilaca i članova njihovih porodica, dok se ostvarivanje pojedinih dopunskih prava ostvaruje putem podzakonskih propisa (Uredbe, Odluke i Kriteriji), kojima se utvrđuju nadležnosti i postupanja u svrhu ostvarivanja osnovnih i dopunskih, stalnih ili rokom ograničenih prava branilaca i članova njihovih porodica.

Federalni zakoni sa izmjenama i dopunama

- Zakon o pravima branilaca i članova njihovih porodica („Službene novine Federacije Bosne i Hercegovine“, broj: 33/04; 56/05; 70/07; 90/17 i 29/22),
- Zakon o posebnim pravima dobitnika ratnih priznanja i odlikovanja i članova njihovih porodica („Službene novine Federacije Bosne i Hercegovine“, broj: 70/05; 61/06; 9/10; 90/17 i 29/22),
- Zakon o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije Bosne i Hercegovine“, broj: 41/13 i 90/17),

- Zakon o provođenju kontrole zakonitosti korištenja prava iz oblasti boračko-invalidske zaštite („Službene novine Federacije Bosne i Hercegovine“, broj: 82/09),
- Zakon o pravima demobilisanih branilaca i članova njihovih porodica („Službene novine Federacije Bosne i Hercegovine“, broj: 54/19 i 29/22).

Kantonalni zakoni i drugi propisi

- Zakon o dopunskim pravima branilaca i članova njihovih porodica („Službene novine Zeničko-dobojskog kantona“, broj: 1/14) i podzakonski akti, kojima se omogućuje efikasno i transparentno korištenje i ostvarivanje dopunskih prava branilačke populacije radi ostvarivanja kvalitetnije zdravstvene zaštite i kvalitetnijih socio-ekonomskih uslova života:
- Odluka o proširenom obimu prava iz oblasti zdravstvene zaštite za braniocce i članove njihovih porodica (zdravstveno osiguranje; nabavka ortopedskih i drugih pomagala; liječenje i nabavka lijekova), („Službene novine ZDK“, broj: 4/15 i 15/21),
- Uredba o medicinskoj rehabilitaciji branilaca i članova njihovih porodica u banjsko-klimatskim lječilištima („Službene novine Zeničko-dobojskog kantona“, broj: 4/14 i 15/21),
- Uredba o pomoći u rješavanju stambenog pitanja branilaca i članova njihovih porodica („Službene novine Zeničko-dobojskog kantona“, broj: 4/14 i 15/21),
- Uredba o stipendiranju redovnog studija branilaca i članova njihovih porodica („Službene novine Zeničko-dobojskog kantona“, broj: 4/14 i 15/21),
- Uredba o prednosti u školovanju branilaca i članova njihovih porodica („Službene novine Zeničko-dobojskog kantona“, broj: 4/14 i 15/21),
- Uredba o novčanoj egzistencijalnoj naknadi za demobilizirane braniocce („Službene novine Zeničko-dobojskog kantona“, broj: 6/20; 15/21 i 18/22),
- Uredba o naknadi troškova podizanja nišana / nadgrobnog spomenika („Službene novine Zeničko-dobojskog kantona“, broj: 4/14),
- Uredba o naknadi troškova dženaze/sahrane branilaca i članova njihovih porodica („Službene novine Zeničko-dobojskog kantona“, broj: 4/14),
- Programi podsticaja samozapošljavanja i upošljavanja pripadnika branilačke populacije Zeničko-dobojskog kantona.

U 2021. godini Odsjek za pitanja boraca, raseljenih lica i izbjeglica Službe za upravu društvenih djelatnosti, pitanja boraca i opću upravu u skladu sa Zakonom o pravima demobiliziranih branilaca i članova njihovih porodica započeo je izradu Odluke o pravima demobiliziranih branilaca Grada Zavidovići i članova njihovih porodica, a finalna izrada propisa završena je u 2022. godini donošenjem Odluke od strane Gradskog vijeća Zavidovići dana 31.10.2022. godine, kojom se utvrđuju prava, način, uslovi i postupak za ostvarivanje statusnih prava, prava na novčane pomoći, naknade i subvencije demobiliziranim braniocima i članovima njihovih porodica uz finansiranje i subvencioniranje iz budžeta Grada Zavidovići.

Ovom Odlukom utvrđeno je pružanje pomoći i subvencioniranje za:

- a) Jednokratnu novčanu pomoć za liječenje,
- b) Troškove prevoza za liječenje u drugom kantonu,
- c) Prednost u korištenju usluga zdravstvenih ustanova,
- d) Subvenciju naknade za dodijeljeno građevinsko zemljište,
- e) Subvenciju plaćanja naknade za pogodnost,
- f) Subvenciju plaćanja naknade za uređenje građevinskog zemljišta.

Na osnovu predmetne Odluke doneseni su i Kriteriji za utrošak sredstava sa transfera za jednokratne novčane pomoći za liječenje demobiliziranih branilaca i sredstva sa transfera za branilačke populacije, tekovine OOR-a i antifazišam sa utvrđenim uslovima i postupkom za ostvarivanje prava na jednokratnu novčanu pomoć za liječenje demobiliziranih branilaca,

liječenje nezaposlenih članova njihovih porodica i ostvarivanje prava na naknadu troškova prevoza za liječenje u drugom kantonu .

II - BRANILAČKO-INVALIDSKA ZAŠTITA - FEDERALNI NIVO PRAVA

(lična i porodična invalidnina, naknada za ratno priznanje i odlikovanje, novčana egzistencijalna naknada)

Opšti dio

Odsjek za pitanja boraca, raseljenih lica i izbjeglica Službe za upravu društvenih djelatnosti, pitanja boraca i opću upravu, po službenoj dužnosti ili po zahtjevu stranke radi na donošenju prvostepenih rješenja u predmetima priznavanja prava na porodičnu i uvećanu porodičnu invalidninu, ličnu invalidninu i ortopedski dodatak, novčani dodatak na osnovu ratnog priznanja/odlikovanja i novčanu egzistencijalnu naknadu, za koja rješenja je zakonom propisana revizija od drugostepenog organa.

Od maja mjeseca 2022. godine pravo na novčanu egzistencijalnu naknadu izmjenom Zakona stiču i supruge umrlih demobiliziranih branilaca pod uslovom da ne ostvaruju druga mjesečna novčana primanja u iznosu većem od 174,04 KM.

Odsjek za pitanja boraca raseljenih lica i izbjeglica vrši mjesečni obračun invalidnina i novčanih naknada svih korisnika i isti dostavlja Federalnom ministarstvu za pitanja boraca i invalida odbrambeno-oslobodilačkog rata u skladu sa važećim propisima koji vrši isplatu korisnika putem banaka. Tako je tokom 2021. godine za naš grad realizovano 4.832.004,84KM, a tokom 2022. godine 5.311.246,44 KM (do povećanja je došlo zbog promjene osnovice i koeficijenta za obračun).

Obzirom da se osnovica i koeficijent za obračun i isplatu mjesečnih primanja korisnicima lične i porodične invalidnine mijenja Odlukom Vlade FBiH, tako je primanja korisnicima potrebno usklađivati pri svakom obračunu poštujući Instrukcije i Naredbe Federalnog ministarstva za svaki obračun sredstava, sa svim ažuriranim izmjenama, obustavama i sudskim zabranama na primanjima korisnika, koje uveliko otežavaju i usporavaju izrade obračuna, zbog velikog broja radnji pri samom obračunu.

Za nove korisnike u pravu ili za korisnike kod kojih je došlo do izmjena u visini primanja, kao i za retroaktivne isplate potrebno je pribaviti pisano mišljenje Inspektorata Federalnog ministarstva za pitanja boraca i invalida odbrambeno-oslobodilačkog rata, bez kojeg obračun invalidnina ne bi bio prihvaćen i isplaćen korisniku, što takođe usporava i otežava rad prilikom izrade mjesečnih obračuna.

Porodična invalidnina za porodice šehida / poginulog borca – supruge i djeca, na mjesečnom nivou iznosila je (2022.) od 391,30 KM do 591,50 KM u zavisnosti od broja članova porodice korisnika prava. Roditelji šehida / poginulog borca, u zavisnosti od toga da li je poginuli bio ženjen i u zavisnosti od prihoda ostvarivali su pravo na porodičnu invalidninu, na mjesečnom nivou u iznosu od 91,00 KM (jedan roditelj poginulog oženjenog sina, sa drugim prihodima) do 455,00 KM (oba roditelja poginulog neženjenog sina bez obzira na prihode i oba roditelja poginulog oženjenog sina, bez drugih prihoda). Roditelji šehida / poginulog borca koji su izgubili jedino dijete ostvaruju uz gore navedene iznose i pravo na dodatak u iznosu od 273,00 KM a porodice sa više članova poginulih ostvaruju pravo na dodatak u iznosu od po 182,00 KM za svakog poginulog.

RVI shodno procjeni stepena invalidnosti razvrstani su u 10 grupa a lična invalidnina na mjesečnom nivou iznosila je:

Grupa	Iznos mjesečne LI za jednog korisnika (KM)
I	100% 910,00 + 910,00 njega i pomoć + ortopedski dodatak*
II	100% 659,48 + 600,00 +*
III	90% 498,95 + 420 +*
IV	80% 368,46 *
V	70% 262,35 *
VI	60% 162,62 *
VII	50% 110,02
VIII	40% 53,05
IX	30% 39,59
X	20% 26,75

Finansijski pregled i broj korisnika za 2021. godinu:

Kategorija korisnika	Broj korisnika	Mjesečni iznos	Godišnji iznos
1. Porodična invalidnina	552	181.767,74 KM	2.181.212,88 KM
2. Lična invalidnina	654	133.062,14 KM	1.596.745,68 KM
3. DNRPiO	38	10.675,67 KM	128.108,04 KM
4. Egzistenc.naknada F BIH	356	77.161,52KM	925.938,24 KM
Ukupno (1-4)	1.600	402.667,07 KM	4.832.004,84 KM

Finansijski pregled i broj korisnika za 2022. godinu:

Kategorija korisnika	Broj korisnika	Mjesečni iznos	Godišnji iznos
1. Porodična invalidnina	543	192.918,36 KM	2.315.020,32 KM
2. Lična invalidnina	645	143.709,87 KM	1.724.518,44 KM
3. DNRPiO	35	11.318,00 KM	135.816,00 KM
4. Egzistenc.naknada F BIH	422	94.657,64 KM	1.135.891,68 KM
Ukupno (1-4)	1.645	442.603,87 KM	5.311.246,44 KM

Iz navedene tabele uočava se smanjenje broja korisnika prava lične i porodične invalidnine (zbog smrti, preseljenje spisa predmeta po mjesnoj nadležnosti ili drugog oblika izlaska iz prava), mada u slučaju smrti ratnog vojnika invalida supruga nasljeđuje 50% prava (u zakonom određenim slučajevima puni iznos porodične invalidnine za jednog člana), tako da se nastavlja voditi kao korisnik.

Kao i prethodnih godina i tokom 2021. godine i 2022. godine vršena je Identifikacija (Izjava ili Potvrda o životu) korisnika lične i porodične invalidnine, te naknade po osnovu ratnog priznanja / odlikovanja, kao i pribavljanje, provjera i ulaganje Izvoda iz matične knjige rođenih za sve korisnike, a prema Naredbi Inspektorata Federalnog ministarstva za pitanja boraca i invalida odbrambeno-oslobodilačkog rata. Za korisnike koji se vode u matičnim evidencijama drugih općina potrebna dokumentacija prikupljena je uz pomoć Udruženja članova šehidskih porodica i RVI-a, te matičnih ureda drugih opština, te su svi korisnici nakon ovjere u nadležnoj službi Grada Zavidovići ili mjesta prebivališta dokumentaciju dostavili u Odsjek za pitanja boraca, raseljenih lica i izbjeglica lično ili putem pošte. Obaveza pribavljanja

Identifikacija obavlja se jednom u godini za korisnike sa prebivalištem u Zavidovićima, a dva puta u godini za korisnike čije je prebivalište u inostranstvu.

Prema službenoj evidenciji, većinom na usmeni zahtjev stranaka, u 2021. godini izdato je 3.697 uvjerenja, a u 2022. godini 1.581 uvjerenje, a u svrhu ostvarivanja raznih prava kod drugih ustanova i institucija.

Određen dio uvjerenja posebno od JU „Centar za socijalni rad“, koji je tražen po službenoj dužnosti izdat je na zbirnom spiskom svih traženih osoba, tako da je broj izdatih uvjerenja mnogo veći od u evidenciji prikazanog.

III - KANTONALNI NIVO - DOPUNSKA PRAVA

Uvod

U skladu sa Zakonom o dopunskim pravima branilaca i članova njihovih porodica i podzakonskim aktima korisnici boračko-invalidske zaštite u nadležnoj službi gradske uprave podnose zahtjeve za ostvarivanje određenih dopunskih prava, te u zakonom propisanoj proceduru na osnovu zahtjeva ova Služba donosi rješenje, odnosno prijedlog za odobravanje sredstava, a na osnovu predhodne saglasnosti Ministarstva za boračka pitanja Zeničko-dobojskog kantona. Nakon pravosnažnosti rješenja kantonalno ministarstvo doznachava odobrena novčana sredstva na račun Grada Zavidovići, koja se transferišu na račune korisnika u bankama, te se po izvršenim isplatama nadležnom ministarstvu dostavlja akt kojim se pravdaju doznachena sredstva korisnicima i time okončava postupak po podnesenom zahtjevu.

U postupcima za ostvarivanje dopunskih prava su ograničena ovlaštenja i odlučivanje Službe, jer su odlučivanje i postavljanje kriterija više u nadležnosti kantonalnog ministarstva.

Broj podnesenih zahtjeva i pregled realizovanih sredstava po godinama za dopunska prava branilaca i članova njihovih porodica:

Naziv postupka	Broj zahtjeva u 2021. g.	Uvaženo zahtjeva	Odbijeno zahtjeva	Odobrena sredstva	Broj zahtjeva u 2022. g.	Uvaženo zahtjeva	Odbijeno zahtjeva	Odobrena sredstva
JNP - sredstva grada	87	63	24	7.200	92	54	38	6.300
Vanredna novčana pomoć	18	18		5.400	23	18	6	6.800
Pomoć u liječenju	622	550	72	174.900	745	672	73	227.950
Nabavka ortopedskog pomagala	12+1 automobili - RVI	13		17.042+	8	8		3.615
Pomoć u nabavci udženika	248	235	13	30.300	308	295	13	37.250
Pomoć u stambenom zbrinjavanju	58	28	30	177.500	51	18	33	149.000
Dodjela stipendija studentima	222	211	11	235.200	193	181	12	233.800
Pomoć za troškove dženaze	99	97	2	81.444	66	64	2	50.536
Samozapošljavanje	15	15		50.000	16	16		60.000
Kantonalna novčana egzistencijalna naknada	Za ukupno 576 korisnika			1.105.344	Za ukupno 548 korisnika			1.305.012
Upošljavanje					1	1		9.000
UKUPNO:				1.884.330,00 KM				2.089.263,00 KM

U tabelarnom prikazu su navedena prava i isplate boračkim populacijama sa nivoa Grada i kantonalnog nivoa, koja se tiču osnovnog Zakona i Zakona o dopunskim pravima branilaca i članova njihovih porodica. U 2021. godini boračkim populacijama na području grada Zavidovići isplaćeno je (kantonalni nivo i Grad) 1.884.330,00 KM, a u 2022. godini 2.089.263,00 KM. Navedena prava i pomoći iz gornje tabele realizuju se po procedurama javnih poziva i konkursa osim egzistencijalne naknade i pomoći za liječenje za koje se zahtjevi mogu podnositi tokom cijele godine ako ministarstvo ne naloži drugačije.

O konačnom priznavanju ili nepriznavanju prava i visini novčanih sredstava koja se odobravaju po svakom korisniku, Odluku donosi Ministarstvo za boračka pitanja ZDK na osnovu koje ova Služba donosi prvostepena rješenja, trebue sredstva, vrši isplate na transakcijske račune korisnika, prati namjenski utrošak i dostavlja pravdanja ministarstvu.

Sredstva za samozapošljavanje i upošljavanje su doznačena gradu, a prebacuju se krajnjim korisnicima kvartalno u skladu sa procedurom definisanom ugovorom.

U slučaju smrti DB pomoć za troškove dženaze / sahrane se odobrava članu porodice jednokratno u visini jedne prosječne plaće (910,00 KM u 2022.) a u slučaju smrti člana porodice šehida / poginulog borca 50% od visine prosječne plaće.

U tabeli nisu prikazani podaci o broju korisnika i iznosi za banjsko liječenje i zdravstveno osiguranje iz razloga što Služba provodi upravni postupak po zahtjevima a ne vodi finansijske pokazatelje za ova prava nego samo broj odobrenih tretmana i zdravstveno osiguranih lica, jer Ministarstvo za boračka pitanja uplate vrši direktno davaocima usluga. Banjsko liječenje svakog korisnika traje 14 dana (92 x14= 1.288 dana uplaćenog banjskog liječenja za branilačku populaciju Grada Zavidovići u 2022.godini)

Pregled korisnika BFL za 2021. i 2022. godinu:

Kategorija korisnika	2021. godina	2022. godina
1. Banjsko liječenje	67 korisnika	92 korisnika
2. Zdravstveno osiguranje	25 korisnika	23 korisnika

U navedenim tabelama su jasno vidljivi pozitivni pokazatelji i značajan napredak u odnosu na raniji period što se tiče korištenja dopunskih prava preko kojih se uz iznimno predan rad Službe znatno olakšavaju i rješavaju problemi boračkih populacija kroz redovno rješavanje po zahtjevu i uplate odobrenih sredstava korisnicima.

Pored demobilisanih boraca (mlađi od 57 godina), koji su ostvarili pravo na stalno mjesečno primanje – novčane egzistencijalne naknade, od jula 2022. godine isto pravo ostvaruju i supruge umrlih demobiliziranih branilaca uz uslov da ne ostvaruju druge ukupne mjesečne prihode veće od 185,88 KM, kao vid materijalne pomoći u svrhu olakšavanja socio-ekonomske situacije korisnika.

U skladu sa članom 14. Uredbe o novčanoj egzistencijalnoj naknadi i Instrukciji ministarstva, a u cilju omogućavanja kontinuirane isplate u decembru mjesecu svake godine obavlja se revizija dokumentacije svim korisnicima novčane egzistencijalne naknade i o obavljenoj reviziji izrađuje se i Zapisnik za svakog korisnika posebno.

U novembru mjesecu 2022. godine realizovan je potpisani Sporazum o provođenju Podprojekta BiH 6 - državnog projekta stambenog zbrinavanja u okviru Regionalnog stambenog projekta (RSP).

Projekat je je u primjeni od 2021. godine, te je od jula mjeseca 2021. godine počelo izvođenje radova na izgradnji projektom planiranih 16 stambenih jedinica u okviru objekta

kolektivnog stanovanja. Prema potpisanom Sporazumu općini Zavidovići je za ovu svrhu opredijeljeno 956.955,00 KM, a Općina je pored obezbjeđene građevinske parcele bila u obavezi obezbijediti i finansirati 16 priključaka na elektro i vodovodnu mrežu. Nakon okončanog Javnog poziva za dodjelu stanova na korištenje i potipanih Ugovora u novembru 2022. godine stambeno je zbrinuto 16 porodica - raseljenih lica, po principu socijalno-neprofitnog stanovanja.

Na osnovu Zakona o pravima demobiliziranih branilaca i članova njihovih porodica tokom 2022. godine donešena je Odluka o pravima demobiliziranih branilaca Grada Zavidovići i članova njihovih porodica i Kriteriji za utrošak sredstava sa transfera za jednokratne novačane pomoći za liječenje demobiliziranih branilaca i sredstava sa transfera za branilačke populacije, tekovine OOR-a i antifašizam (objavljene u „Službenom glasniku Grada Zavidovići“, broj: 6/22). Odlukom su utvrđeni način, uslovi, kriteriji i postupak za ostvarivanje prava na jednokratnu novčanu pomoć za liječenje, pravo na troškove prijevoza za liječenje u drugom kantonu, zatim prednost u korištenju usluga zdravstvenih ustanova, kao i subvencije naknade za dodijeljeno građevinsko zemljište, te subvenciju plaćanja naknade za pogodnost i subvenciju plaćanja naknade za uređenje građevinskog zemljišta.

Primjena Odluke sa Kriterijima započela je u dembru 2022. godine, a finansiranje i subvencioniranje prava iz Odluke ostvarivat će se iz budžeta Grada Zavidovići u skladu sa planiranim sredstvima.

Ovom Odlukom utvrđeno je pružanje pomoći i subvencioniranje za:

- a) Jednokratnu novčanu pomoć za liječenje,
- b) Troškove prevoza za liječenje u drugom kantonu,
- c) Prednost u korištenju usluga zdravstvenih ustanova,
- d) Subvenciju naknade za dodijeljeno građevinsko zemljište,
- e) Subvenciju plaćanja naknade za pogodnost,
- f) Subvenciju plaćanja naknade za uređenje građevinskog zemljišta.

IV - SARADNJA SA BORAČKIM UDRUŽENJIMA

Udruženja građana registruju se prema Zakonu o udruženjima i fondacijama, kojim je utvrđen način osnivanja, registracija i nadležnosti, pa tako na području Grada Zavidovići pripadnici branilačke populacije organizovani su kroz više udruženja. Saradnja se ostvaruje sa boračkim organizacijama/udruženjima koja djeluju u skladu sa Zakonom o udruženjima i fondacijama BiH i Zakonom o udruženjima i fondacijama FBiH uz poštivanje i primjenu principa Etičkog kodeksa za organizacije civilnog društva u BiH a to su:

1. „Organizacija porodica šehida i poginulih boraca“ Zavidovići,
2. „Udruženje ratnih vojnih invalida Zavidovići 92“,
3. Savez JOB „Unija veterana“ 1992-1995., Zavidovići,
4. „Udruženje dobitnika ratnih priznanja i odlikovanja“, Zavidovići
5. Udruženje boraca ARBiH oboljelih od PTSP-a „Veterani“ Zavidovići.

Udruženja / organizacije 1 do 4 okupljaju većinu iz četiri osnovne kategorije boračke populacije i imaju posebno utvrđene transfere u budžetu Grada. Udruženje boraca ARBiH oboljelih od PTSP-a „Veterani“ je specifično udruženje koje se brine o oboljelim od PTSP-a. Sa istim se se saraduje skoro svakodnevnom komunikacijom, u predhodne dvije godine posebna pažnja usmjerena je na poboljšanje uslova za DB-e i RVI sa dijagnosticiranim PTSP-em uvođenjem općinskog Transfera za UG PTSP za redovan rad i nabavku lijekova u visini

3.000,00KM u 2021. godini, a za 2022. godinu odobreno je 4.500,00 KM. Način i Kriteriji realizacije su usaglašeni sa predstavnicima ovog udruženja.

Na račun udruženja sa posebno planiranim transferima redovno se uplaćuju sredstva za troškove djelatnosti, finansiranje projekata i pomoći za pripadnike i članove udruženja, u skladu sa budžetom Grada Zavidovići. U 2022. godini za rad i podršku projektima ovih udruženja (četiri udruženja) iz budžeta Općine realizovana su sredstva u visini od 95.500,00 KM od čega je za redovan rad – funkcionisanje udruženja opredijeljeno 81.500,00 KM, dok preostalih 14.000,00KM odnosi se za rad i funkcionisanje Ortopedske radionice.

Navedena sredstva branilačkih udruženja koriste se i kao pomoć boračkim populacijama kod liječenja, smrti ili teže ekonomske situacije, obzirom na procedure koje su potrebne za ostvarivanje pomoći preko Ministarstva za boračka pitanja, te predstavlja značajnu pomoć boračkim populacijama zbog mogućnosti hitne reakcije po zahtjevu ili problemu člana udruženja.

U saradnji sa gradskom upravom, Odsjekom za pitanja boraca, raseljenih lica i izbjeglica, Udruženja su također uključena i u projekte koji se tiču obilježavanja značajnih datuma, što je stalna aktivnost iz domena očuvanja tekovina OOR-a, a od 01.01.2019. godine Komisija OV-a za pitanja boraca i tekovina OOR-a je nosilac organizacije za obilježavanje Značajnih datuma i događaja iz OOR-a Grada Zavidovići u saradnji sa boračkim udruženjima.

Budžetom Grada za 2022. godinu za ovu namjenu (za 10 manifestacija) odobreno je 17.000,00 KM, što je znatno veći iznos odobrenih novčanih sredstava nego u 2021. godini, kada je u tu svrhu bilo odobreno 8.000,00 KM.

Za Memorijalni centar Potočari budžetom Općine Zavidovići opredjeljeni iznos novčanih sredstava u svrhu rada i aktivnosti istog iznosio je 10.000,00 KM.

U periodu 2021. - 2022. godina završene su i otkrivene četiri Spomen-ploče novoizgrađenih Spomen-obilježja.

Tako je za Spomen-obilježje Dolina - Alići od općine odobren transfer u iznosu od 1.100,00 KM, a sa kantona je dodijeljeno 5.000,00 KM u tu svrhu.

Također je izgrađeno Spomen-obilježje Crnjevo, te otkrivena spomen-ploča, koje je finansirano iz sredstava Općine u iznosu od 7.000,00KM, a 5.000,00 KM dodijeljeno je od strane kantona.

Za izgradnju Spomen-obilježja Ribnica od Zeničko-dobojskog kantona dodijeljen je iznos od 4.127,00 KM, a za Spomen-obilježje Kovači opredjeljeno je 2.000,00 KM.

Ova sredstva svakako ne bi bila dovoljna bez dodatnog angažmana i entuzijazma Komisije, Službe, boračkih udruženja / organizacija, MZ- a i njihovih organizacionih odbora, MIZ Zavidovići, te branilaca i ostalih građana koji radom i sredstvima učestvuju u organizaciji manifestacija.

Kao pomoć branilačkim populacijama i aktivnosti od značaja za tekovine OOR-a tokom 2021. i 2022. u budžetu Grada Zavidovići je planiran poseban transfer.

V - ZAKLJUČNA RAZMATRANJA

Boračko invalidska zaštita u najvećem obimu definisana je Zakonom o pravima branilaca i članova njihovih porodica, Zakonom o pravima demobiliziranih branilaca i članova njihovih porodica i Zakonom o dopunskim pravima branilaca i članova njihovih porodica.

Na osnovu navedenih propisa direktna novčana izdvajanja svih nivoa, kroz uplate na račune krajnjih korisnika prava svih kategorija branilačkih populacija iznosila su:

2021. godne – 6.716.334,00 KM a 2022. godine – 7.390.509,00 KM. U navedene iznose nije uračunato banjsko-fizikalno liječenje, zdravstveno osiguranje, pomoć za liječenje sa nivoa FBiH, ortopedska pomagala, izdvajanja za boračka udruženja, značajne datume i dr.

Iako gradska uprava Grada Zavidovići već ima utvrđen sistem rada i saradnje sa boračkim udruženjima nužno je što skorije usvajanje Zakona o boračkim udruženjima / organizacijama od posebnog društvenog značaja, kako bi saradnja sa temeljnim boračkim organizacijama u provođenju zakona i podzakonskih propisa i pružanju pomoći branilačkoj populaciji bila kvalitetnija i ažurnija u davanju rješenja i pozitivnih rezultata korisnicima.

Značajan broj djece šehida i poginulih boraca traži uvjerenje o statusu člana porodice poginulog kako bi ostvarili pravo na prednost u zapošljavanju. Uočljivo je da informisanje o ovom pravu daje pozitivne rezultate, međutim i dalje postoje pojedinci koji negiraju ili minimiziraju ovo pravo, naročito djeci šehida i poginulih boraca često ih verbalno izvrgavajući neugodnostima ako se pozovu na ovo pravo.

Evidentni su problemi u ostvarivanju prava i zbog ograničene mogućnosti praćenja te razumijevanja propisa od strane krajnjih korisnika. U ovom smislu većina udruženja već je puno odradila i na pravilan način informišu i usmjeravaju članstvo. Značajnu prepreku pravilnom informisanju i ostvarivanju prava predstavljaju pojedinci, pa i članovi uprave, nekih udruženja ili politikanti koji iz neznanja a češće zloupotrebljavajući taj položaj, svjesno manipulišući borcima jer se predstavljaju kao „jedini pravi“ zaštitnici njihovih prava bez svjesnosti o ulozi udruženja i Službe, važnosti i nužnosti provođenja procedura, pokreću kampanje podnošenja zahtjeva za razna prava koja se ne mogu ostvariti a rezultat svega je (po odbijanju zahtjeva) bezrazložno kreiranje nepovjerenja u rad organa i institucija, nezadovoljstvo, izgubljeni vrijeme, nepotrebni troškovi boraca i uprave itd.

Prema zakonima koji regulišu oblast BIZ-e, općine odnosno gradovi su najvećim dijelom uključeni u provođenje istih, ali putem prenesene nadležnosti tako da sa ograničenim pravom u odlučivanju i umanjenom mogućnošću predlaganja određenih rješenja i postupaka snosi teret direktnog kontakta sa korisnicima prava i javnosti, njihovog nezadovoljstva i destruktivnog ponašanja zbog odluka koje nisu obavezno i stav općine, odnosno grada.

Položaj ove Službe, a naročito zaposlenih u službi u odnosu na kantonalna i federalna ministarstva, naročito Inspektorat u kompletnom sistemu posebno u ovlastima je izuzetno nezavidan, jer u provođenju zakona, instrukcija i naredbi od viših nivoa, koje izazivaju nezadovoljstvo korisnika kao najranjivije kategorije i uz velike napore i trud ne daju pozitivna mišljenja javnosti.

Iz Informacije je vidljivo da postoje značajna poboljšanja u visini sredstava namijenjenih za boračko-invalidsku zaštitu i proširenju obima prava kroz razne vidove programa i pomoći u poboljšanju socio-ekonomske situacije branilačke populacije, te će Služba i dalje nastaviti aktivno učestvovati u procedurama predlaganja izmjena i dopuna propisa iz oblasti branilačko-invalidske zaštite vodeći brigu o stvarnim životnim potrebama i zaštiti dostojanstva branilačke populacije.

Planiranjem budžeta grada, donošenjem Odluka i Kriterija koji prate trenutnu situaciju i potrebe branilačke populacije, te angažman Službe, na provođenju Javnih poziva viših nivoa i ažurnosti u provođenju prvostepenih upravnih postupaka u cilju ostvarivanja što povoljnijih prava pripadnika branilačke populacije, zatim povećanje finansijskog učešća grada u skladu sa raspoloživim resursima i saradnja sa korisnicima, nastojanje je i cilj ove Službe, kako bi se nastavio trend stalnog uspona u poboljšanju životnog standarda branilačke populacije.

U vezi sa svim navedenim moguće je predložiti zaključke:


1. Putem Službe BIZ-a koristiti mogućnosti aktivnog učešća u procedurama predlaganja izmjena i dopuna propisa iz oblasti branilačko-invalidske zaštite vodeći brigu o stvarnim životnim potrebama i zaštiti dostojanstva branilačke populacije.
2. Nastaviti sa planiranjem učešća općine u finansiranju dijela dopunskih prava branilaca i članova njihovih porodica.
3. Nastaviti sa aktivnostima koje idu u prilog očuvanju tekovina OOR-a.

4. Ostvariti značajniju prisutnost na terenu uposlenika Službe i članova branilačkih organizacija radi direktnog kontakta sa branilačkim populacijama i informisanja istih o pravima i mogućnostima ostvarenja tih prava.


PO OVLAŠTENJU GRADONAČELNIKA
broj: 02-45-9/22-AP-41 od 22.04.2022. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. pravnik

Obradila:


(Amra Hadžić)

Kontrolisao:


(Idriz Alihodžić)



02/04-16/23-AP-765

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravu društvenih djelatnosti,
pitanja boraca i opću upravu
Broj:04-45-16/23-AP-765
Dana:14.06.2023. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno			
Org. jed.	Kl. ozn.	Red broj	Br. priloga
02	04	1497/23	

STRUČNA SLUŽBA GRADONAČELNIKA

PREDMET: Informacija o ostvarivanju prava branilačkih populacija Grada Zavidovići za period 2021-2022. godine, dostavlja se

U prilogu akta dostavljamo Vam Informaciju o ostvarivanju prava branilačkih populacija Grada Zavidovići za period 2021-2022. godine, donesenu u skladu sa Programom rada Gradskog vijeća Zavidovići za 2023. godinu („Službeni glasnik grada Zavidovići“, broj 8/2022), na dalju nadležnost i postupanje.

S poštovanjem!

- Dostaviti:
1. Naslovu
 2. a/a



GRADONAČELNIK GRADONAČELNIKA
Alihodžić
Igoriz Alihodžić, prof.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za budžet, finansije i
ekonomska pitanja**

Broj: 01-04-1565/23-AP-2

Datum: 18.07.2023. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za budžet, finansije i ekonomska pitanja na 19. sjednici održanoj dana 18.07.2023. godine, razmatrala je Informaciju o ostvarivanju prava branilačkih populacija Grada Zavidovići za period 2021.-2022. godine, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Informaciju o ostvarivanju prava branilačkih populacija Grada Zavidovići za period 2021.-2022. godine.
2. Informacija o ostvarivanju prava branilačkih populacija Grada Zavidovići za period 2021.-2022. godine, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za pitanja boraca i tekovina
Odbrambeno-oslobodilačkog rata**

Broj: 01-04-1565/23-AP-3

Datum: 19.07.2023. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 52. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za pitanja boraca i tekovina Obrambeno-oslobodilačkog rata na 17. sjednici održanoj dana 19.07.2023. godine, razmatrala je Informaciju o ostvarivanju prava branilačkih populacija Grada Zavidovići za period 2021.-2022. godine, pa nakon rasprave donijela

ZAKLJUČAK

1. Komisija za pitanja boraca i tekovina Obrambeno-oslobodilačkog rata prihvata Informaciju o ostvarivanju prava branilačkih populacija Grada Zavidovići za period 2021.-2022. godine.
2. Informacija o ostvarivanju prava branilačkih populacija Grada Zavidovići za period 2021.-2022. godine, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Adis Mahovac